

左恪靖侯奏稿初編

恪靖奏稿初編卷二十四目錄

閩商凋疲陳請准予改限帶完摺

滙陳閩饘積獎請試行票運摺

閩省商疲課紕懇請減免積欠帶輸銀兩摺

附陳分派師船巡緝閩浙洋面捕盜片

越境剿賊迭勝並擊退閩邊竄賊情形摺

附陳剿辦下游土匪情形片

恭報蘇軍回滬日期并請應否派署提篆摺

請將老湘營官熊系將革職等因片

懇將克遂援江肅清衛郡各員照原請給獎摺
特參年力就衰之司道摺

閩商凋疲陳請准予改限帶完捐

奏爲閩商凋疲日甚應完正溢額課一年難辦三屆奏銷恭摺奏銀

聖恩准予分別停辦改限帶完以復原額而紓商力仰祈

聖鑒事竊照閩省鹽商向係先課後鹽甲年正課原定乙年八月造報甲年溢課原定丙年十二月造報自咸豐三年以後上下游迭經粵逆土匪滋擾課地多遭蹂躪各商應完課銀不能依期解納所有各年正溢奏銷

經各前督臣先後

奏請展限造報前此辦理咸豐十一年分溢課奏銷業將推展緣由附片奏明在案計自同治二年正課按照推展限期應三年十二月內造報元年溢課應四年三月內造報三年正課應四年十一月內造報乃前任鹽法道潘駿章藉因上年逆匪竄擾閩疆銷鹽絀滯並未先時籌計實力整頓設法疏銷一任各商延欠致二年正課早逾推展之限尙未能造報奏銷實屬遲悞經臣已將該道先行奏參革職惟查官商兩幫每年應完正

課銀十五萬三千九百餘兩官幫應完銀三萬八十四
百餘兩商幫應完銀十一萬五千五百餘兩又應完溢
課並額外盈餘銀十三萬三千三百餘兩內官幫應完
銀四萬二千七百餘兩商幫應完銀九萬五百餘兩共
商幫每年應完正溢課銀二十萬六千一百餘兩閩商
資本素微平時完課已形竭蹶連年展緩積欠愈多二
年正課奏銷已經遲逾今年適逢須辦二年正課元年
溢課三年正課三屆奏銷共計應銀三十二萬一千六
百餘兩期限迫促雖前有展緩之名今反有追呼之累

當此道氛未靖居民遷徙頻仍銷鹽不旺自係實情是以前據通省各商赴臣徐宗幹衙門呈請將同治二年正課元年溢課乞予奏請停徵五年分作八年勻完以紓商力並據司道據情詳經臣徐宗幹以軍餉緊要且所請停徵勻完爲期太遠未便准行批飭妥議另詳嗣臣宗棠入閩後體察各商拮据情形尙無捏飾其前此倒商不能復振另招以無新商投充現僅恃勉力支持各商辦運其力微薄販戶實已倒歇堪虞卽素稱殷富商人今亦漸形困乏官運各幫因本少利微欲思整頓

亦屬無從措手既知積重難反若必強令各商按限完課不獨貽誤奏銷抑且深慮全綱倒壞不得不通籌全局量手變通辦理茲經飭據現任福建鹽法道吳大廷會同藩司張銓慶就現在情形悉心體察計商幫每年正溢兩奏共應銀二十萬六千一百餘兩今以四年勻分每年應帶完銀五萬一千五百餘兩再分正溢兩奏每奏又僅應帶完銀二萬五千餘兩各商均認爲數無多尙不難力籌完繳惟有將三年正課二年溢課奏請停辦一年卽以四年三月改辦二年正奏十一月改辦

元年溢奏其四年正奏卽復歸原限於五年八月造報
三年溢課卽於五年十二月造報除現辦二年正課爲
期已逾不及帶完外卽自本年十一月造報元年溢課
起按年起限核數帶完分清欸目附案報銷不准再有
延欠似此酌爲停辦立限帶征不獨一年仍辦兩奏爲
時不迫商力可紓卽從前推展之案今亦藉此扣清不
致復有推展紊亂之患名雖停辦一年奏銷其實額課
轉較常年有盈無絀並聲明官幫應完正溢各課本係
征存未解除上年失守之漳州等府縣應歸失守案內

扣除另查辦理其龍巖一州雖係商幫亦經失守亦應
另查核辦外其餘均應飭令鹽法道設法追完先行核
實補報又商幫積年欠課亦應責成該道實力清釐嚴
爲追繳不得再任延欠詳請具奏前來理合據實具奏
合無仰懇

聖恩俯念閩越凋疲情形准予

敕部照議核覆以便力籌整頓而紓商力之處出自

逾格鴻施

臣

謹會同福建巡撫

臣

徐宗幹恭摺具

奏伏乞

皇太后

皇上聖鑒訓示施行謹

奏
同治四年六月十五日

瀝陳閩鹺積弊請試行票運摺

奏爲瀝陳閩省鹺務積弊應請試行票運以挽全綱恭摺奏祈

聖鑒事竊查福建鹽課自

國初定制歲僅徵銀八萬五千餘兩雍正元年各場委官監營地方官隨處設卡委員收稅先完課而後給單聽其配運售賣至乾隆七年

奏定盈餘銀十四萬一千餘兩較之原額增至兩倍後因歸商辦理劃地分售卽以當年所收稅銀作爲引額

此法一變商之洋費遂增鹽之行銷遂隘後人補偏救
弊朝令暮更於是分而爲官幫爲商幫爲縣灣官銷引
滯則責令各商代銷舊商欠帑則勒令新商攤補迨道
光年間一變爲食商再變爲試辦三變爲官運而鹽法
之敗壞極矣就西路商幫論之一商倒幫分派各商代
課課額愈多成本愈重又加以規費之需索流交之帑
息海溪之險阻虧折坐耗不數年而資產蕩然倒罷相
繼此商幫之積弊也商幫倒罷遂額無人認配則又變
爲官運試辦之始銷路尙寬跡逼迫其後官視爲利藪

開銷挪墊虛抵塘寨辦運者扣費以入私橐督銷者賣私以取盈餘此課額太懸則又捏報失水搶毀等情上下分肥弊端百出遂致所領成本逐漸消磨此官運之積弊也縣灣各幫距場較近收私賣私習爲固然其始地方官姑爲隱忍久之官勢浸衰私梟浸熾遂於埕私場私包私船私幫私引私之外復有糾黨持械明目張胆之担私與官爭利與商爲讐到處皆然無從捕治此縣灣之積弊也福興漳泉各府二十一廳縣謂之官幫向皆歸縣徵收毋論已未徵存均應按日計算責令完

課久著定章奈州縣畏難苟安任人包辦名曰穊戶穊戶者卽館辦之別名也其因地方民情刁鹵不敷征解者有之而獲有盈餘者實亦不少乃因甲年所收之錢必待乙年

奏銷遂相率以二三分抵兌藩庫畢而官銷無著之款避免葺職處分其餘則盡飽私囊攘爲己有雖歷任鹽道嚴札頻催而抗延不交竟成積習此官幫之積弊也各場員有督曬配運之責有緝私修坎之責今因場費大半無存官坎莫考遂不駐場經理借寓省垣遇有海

私進口商人收買運銷各場員則冒認場分指私爲官
截角收買藉圖漁利以致埕坎全廢遍地皆私濱海愚
民久不知場員爲何官配鹽爲何事肆無忌憚糾衆橫
行此場務之積弊也夫鹽爲天地自然之利綜計閩省
全年財賦以四分計之鹽居其一惟利之所在弊卽叢
之雖軍興十餘年間省被禍較他省爲輕閩省鹽課較
他省爲少而積弊相沿竟至日引月長全綱不可復問
此臣等所以亟籌通變之方也咸豐元年戶部奏閩省
商疲引滯請飭在於就場徵課按包抽稅二條詳細妥

籌擇一可行之策另議章程據實具奏已奉

俞允嗣因上下游軍務繁興未及會辦奏覆至咸豐三年又據御史蔡徵藩條陳閩省鹽務請修復收稅舊章按照現商完課數目改收場稅開稅一摺又奉
敕下詳悉妥議切實具陳後經前任督撫臣

奏請將續倒懸額七百五十餘蓬試行招販辦運行之未久成效無聞竊維兩淮改票之案在承平之時一經變通課額較旺卽近年皖浙被兵之後商散民窮舉行票運釐課並抽亦復有裨軍餉閩省僻在海陬山水險

阻雖非商賈輻輳之區然各屬地方被擾較輕西路各幫舊商猶在其間官幫樸戶藉此營運者又復不少誠能改行票運仿照皖浙辦法釐課並抽其餘冗費概行裁革並飭各場員駐場督配各府州縣分設局卡重抽私販開設官行勻配銷數于游濱海一帶產鹽地方酌撥師船梭巡以杜担私船私偷漏或可稍事補苴據福建鹽法道吳大廷稟擬條款請

奏前來臣等查閩省鹽務積弊相沿已非一日全網受病亦非一端該道所稟洞悉弊源計惟改行票運釐課

並抽庶可藉圖整飭除現定條款甫議試行尙有未盡
事宜批飭隨時妥籌彙辦外合無仰懇

天恩俯念閩省畦綱疲壞准予改行票選試辦一年限
內容臣等督令該道儘征儘解免計分數考成俾得功
舊整頓察看一年限滿如果行有成效再行奏請著爲
定章謹合詞恭摺具

奏伏乞

皇太后

皇上聖鑒敕部核覆施行謹

奏同治四年六月十五日

閩省商疲課絀懇請減免積欠帶輸銀兩摺

奏爲閩省商疲課絀積欠帶輸銀兩懇

恩分別減免恭摺奏祈

聖鑒事竊照閩省商幫積欠道光二十九年溢課三十年正課爲始截至咸豐七年正課六年溢課爲止各年分造報奏銷案內未完正溢課銀及停緩三十年溢課並被匪滋擾停緩帶征咸豐六七兩年正課五六兩年溢課又道光三十年

恩免案內剔出現商應完正溢課銀統計商幫未完各

年分積欠帶徵等銀八十萬九千一百九十三兩零又
道光二十四年釐定鹽務招舉新商案內截清舊欠銀
四十七萬六千七百三十七兩零前經

奏准每年帶輸銀二萬兩除已經征完外計尚欠銀三
十五萬五千六十四兩零二共欠銀一百一十六萬四
千二百五十八兩零經前司道於咸豐九年間詳經前

督臣慶端

奏請自咸豐十年奏銷九年正課八年溢課爲始併爲
一起歸於新舊各商責令每年勻完銀一萬兩奉部核

覆每年完銀二萬兩核計須五十餘年方可完清未免
爲限太寬議令分限四十年每年完繳銀二萬九千一
百餘兩轉飭遵照按限催完在案計自咸豐十年起限
迄今已歷四限每限應征銀二萬九千二百兩共應徵
銀一十一萬六千八百兩僅據完繳銀三萬一百八十
六兩零未完銀八萬六千六百一十三兩零又未居限
應征銀一百零四萬七千四百五十八兩零二共未完
銀一百一十三萬四千七十二兩零該司道查此項帶
輸銀兩委係商幫積欠課款所致每年雖經責令限完

無如積疲已久商力不支倒退懸額愈多至今乏人承
接兼之幫地連年被擾銷數短絀課解不前應完本額
課款尙屬自顧不遑前項帶輸已歷四限僅據徵完銀
三萬一百餘兩核計每限止完銀六七千兩實因倒革
懸額以故短欠甚多是雖有帶輸之名究無帶徵之實
現在閩省鹽務全綱倒壞殆盡吳大廷抵任後查悉情
形業經設法變通試行票運併酌抽釐稅以濟餉需另
摺

秦明在案惟爾果未紆票運難期踴躍該司道細查前

項帶輸銀一百一十三萬四千餘兩內惟道光二十四年釐定鹽務截清舊欠案內有補司道兩庫墊款銀二十六萬二千八百六十五兩零前已

奏准分年帶輸歸補其餘銀八十七萬一千二百六兩零均係歷年積欠帶正并倒革各兩欠繳無著之項檢查部案乾隆四十五年雲南清查商民積欠四十六萬一千六百餘兩欵蒙

恩旨分別有著無著追賠在案現當整頓錢綱清釐停欠之際擬請將前項帶輸銀兩內有關歸補司道庫墊

欵銀二十六萬二千八百餘兩別出仍遵照

奏案每年責令限完銀二萬九千二百兩照案帶輸歸
補其餘銀八十七萬一千二百餘兩均係商幫歷年積
欠無著之欵與其此追而徒事虛文莫若寬免而可保
新賦據福建鹽法道吳大廷會同布政使張銓慶詳請
具

奏前來臣等覆查閩省商疲課絀全綱倒罷殆盡均係
實在情形合無仰懇

天恩俯准分別減免以恤商艱而保新賦除咨部查核

外臣等謹合詞恭摺具

奏伏乞

皇太后

皇上聖鑒訓示施行謹

奏
同治四年六月十五日

謝陳分派師船巡緝閩浙洋面捕盜片

再浙任甯波台州温州等處洋面遼濶島嶼紛歧時有盜匪出沒藩司蔣益澧前護浙江巡撫任內曾檄委副將銜留浙補用參將張其光赴粵僱募紅單船十號來

浙巡緝茲於五月初五日據報各船先後抵甯已分撥
温州黃巖定海黃道關四處海口每處船二號其餘船
二號並該司從前購存現派從九品羅啓元管帶駐防
黃道關之大艇一號一併歸張其光管帶駐泊甯波隨
時在溫台黃道關一帶洋面往來梭巡輪流協緝所有
駐防何處海口船隻即歸何處鎮道節制調遣據蔣益
澧具稟前來臣查浙江洋面不靖與閩洋情形畧同臣
現已咨商福建水師提督臣吳全美派撥署金門鎮總
兵郭定猷等管帶紅單船十五隻分巡福州海壇至浙

江溫州甯波黃道關等處現浙省亦僅有紅單師船臣
當檄飭兩省沿海文武合力兜拏以期永靖海疆用收
實效謹會同浙江撫臣馬新貽附片具

奏伏乞

聖鑒謹

奏同治四年六月二十日

越境剿賊迭勝并擊退閩邊賊情形摺

奏爲官軍越境剿賊迭獲勝仗賊回竄閩邊官軍擊退
現籌辦理情形恭摺馳

奏仰祈

聖鑒事竊高連陞黃少春劉清亮等軍退至武平連獲
大捷閩境一律肅清時汪海洋一股前隊已竄粵境關
入鎮平縣城五月十八日粵軍劄安邦擊卻之旋因股
匪繼至鄧安邦迎擊失利二十二日縣城復陷并擾及
平遠分黨同竄廣前上赤一帶二十九日高連陞等各

率所部進剿黃少春與道員魏光祚等由高梧進南行二十餘里卽遇賊二千餘蜂擁而來黃少春等麾軍急擊賊潰走官軍追殺斃賊二三百名生擒四十餘名高連陞劉濟亮等馳至上赤亦殺賊數十名生擒百餘名乘勢疾追七八里連破賊館十餘處斬賊甚多餘逆仍向鎮平遁去時延建邵道康國器一軍已進駐嘉應所轄松源地方擬會合高連陞等軍由巖前進規鎮平閩五月十七日高連陞等至巖前取齊謀報賊將取道武平以竄江西康國器改由三溪口以進高連陞遂率五

營扼紫中赤飭魏光邴等四營與黃少春所部扼紫巖
前劉清亮所部扼紫下壩二十日各出隊至分水坳見
有賊數百築卡踞守高連陞黃少春當飭各營分左右
兩路抄擊自率魏光邴周紹濂等由中路進擊該逆見
閩軍驟至倉皇遁走官軍乘勢追殺趕至坳口因山徑
險仄不便窮追將賊卡踏毀收隊而還適僑利王朱興
隆前於平和敗竄時帶傷逸去到粵後與偽稽王吳玉
堂合踞嘉應州轄龍虎墟一帶密赴松源乞降康國器
令降人朱義德卽朱朝恩前赴龍虎墟諭其密圖汪逆

詎朱朝恩誤投花旗賊霍火姑館中爲霍逆所留朱興
隆聞知馳往解救霍逆愈疑率黨急圍其館朱與隆吳
玉堂覓間脫走投粵東鄧安邦營中乞撫鄧安邦許之
令朱興隆改名朱朝恩隨同剿賊康國器因內間未成
汪逆又有竄武平之說十五日遂督各營由三溪口進
剿行抵盤坊卽與賊遇各營奮勇直前賊大潰俘斬多
名乘勝進薄賊寨又破之羣賊翻山竄回鎮平正擬由
高思前進會粵軍共圖夾擊忽探汪逆分撲嘉應州距
城二三十里石降徑之保字營白渡之升字營均被賊

攻陷營官林保等僅以身免粵軍退保嘉應州賊氛蔓延白渡油坑口大坑梅子坑連塘崗江南竹新舖墟一帶州城岌岌二十一日康國器改赴龍牙二十二日派隊由高山一路哨探遇賊數千正攻民寨湯彪羅洪標林栢率所部分路突出殺賊六十餘名生擒九名餘賊悉遁二十三日康國器督飭各營進駐崗山該逆頭隊悍賊千餘迺抵五畝總兵吳光亮等分路迎擊都司湯彪從閒道繞出賊後截之賊駭走官軍躡蹤追剿沿途擒斬二百餘名奪旗幟軍械二百餘件至酉刻始行收

隊該逆卽是夜棄壘竄回鎮平康國器急起追擊斬尾
賊多名將白渡新鋪墟一帶賊壘賊卡悉數平毀謀報
寔營叛卒方姓等率黨由湖南江西廣東邊界直竄興
甯縣與汪逆會合賊散復張汪逆詢知江西粵東邊界
防兵甚多慮難竄越仍思由閩邊偷竄江西六月初三
初四初五等日有賊數千由鎮平逾分水坳分數路至
閩邊廣福鄉一帶偷割草稻均經高連陞黃少春等擊
走至初六日卯刻汪逆復大舉入犯一由分水坳出廣
福鄉撲嚴前官軍一由分水坳出左路山谷撲豬殿坳

十以撲中赤官軍其撲殺前者賊衆約三萬餘黃少春
率各營禦之高連陞分所部道員魏光祚副將張志公
及都司錢桂仁遊擊程學明由右路黃少春率中營及
記名總兵周紹濂劉端昇參將伍先申馬步隊由中路
副將湯復春張大雄馬駿發參將謝復雲由左路齊抵
廣府鄉遇賊大至官軍三路迎擊大賊十餘合陣斬騎
馬賊目二名斃大旗悍賊百餘逆衆敗潰右路魏光祚
等與賊鏖戰兩時擬保都司徐正冠擬保守備索金榜
均中鎗陣亡魏光祚張志公錢桂仁程學明見地隘路

歧且戰且退收隊上山賊分支抄來竝從寶塔山邊繞
出中路之後黃少春劉端冕周紹濂謝復雲等分爲四
隊縱橫馳突賊始披靡湯復春下馬挺矛大呼陷陣忽
爲賊洋鎗子飛貫頭顱立殞陣前官軍稍卻黃少春歷
軍縱擊周紹濂身中子傷劉端冕左臂受刃擒斬創
血戰士氣百倍立斬騎馬賊目二名斃先鋒得賊數百
所奉賊旗皆書康王字樣知汪逆親至也知府銜候選
通判龍朝翼銳欲得之縱馬深入中伏陣亡魏光祚等
在山上與賊稍持良久伺賊稍懈麾隊衝殺而下賊復

敗潰其撲豬股坳營卡者約二萬餘適曹光德於先夜
五更帶隊巡哨至卡賊至卽憑卡助堵飛報高連陞言
賊衆且銳遲到則不守矣高連陞卽率親兵及悍鎗隊
馬步各營馳至大呼殺人曹光德亦從卡內殺出賊大
潰退然廣福鄉四山遠近賊猶盤立如林有黃短掛悍
賊數千踞卡對面山巔盡以所得廣東線鎗向卡施放
予如雨注勢難久持高連陞令黃北海李士順分兩路
由山麓猱騰而上賊驚愕無措拾石亂擲何世載以大
刀撥石砍斃賊目一名賊卽紛退下山官軍鎗礮壓擊

刀矛並舉賊之般斃跌斃者約數百計生擒廿餘名忽
一賊率洋鎗賊隊飛奔而來據生擒賊供騎馬當先者
爲總統護將僞朝將伍金保自稱無敵汪逆選悍賊爲
護軍令其統帶以衝堅陷陣者也高連陞令壯士各擎
洋鎗指此賊排轟之立即巾鎗墜馬而斃數百賊以大
旗裹其屍昇之而遁羣賊見伍金保死爲之奪氣高連
陞遂麾各營分路急擊沿途般斃轟斃約數百計追至
羅岡逕狹賊多擁擠而斃者不知其數適汪逆自巖前
馳接喉羣賊回頭拚命死鬪與官軍刀矛搏刺良久而

嚴前之賊經黃少春等擊敗者又併趨此路賊衆見兩
路皆敗無心戀戰亦卽却退高連陞追至分水坳下始
收隊而還初七日賊伏踞不出初八日汪逆復糾僞伯
王僞楊王僞平東王等各賊黨及由江楚竄粵新附之
叛卒仍踰分水坳而來人數較初六日尤多諜報各賊
傾巢而至各裹兩日糧以隨僅留僞陪王譚富守鎮平
城誓必破此關卡取道武平汀州以竄江西高連陞黃
少春先於初六夜會商賊如再至當堅壁拒之俟其氣
衰力竭然後開壁縱擊庶可收以逸待勞之效是日登

高望之見汪逆出分水切卽揚旗列嶺口而令各賊分
起擺列或隱或現賊旗間林木中自分水切下至何隣
巷拊門後一帶直可十餘里濶倍之勢仍張甚官軍知
其將誘我窮追遲彼抄襲之計也偃旗息鼓佯若不知
此賊逼近始令排砲一轟之賊退仍寂然如是者數次
至未申之交兩路擊鼓揚旗而出賊卽駭奔高連陞黃
少春見賊進之銳而退之速始猶疑其詐也旋見嶺下
各賊皆奪路回遁急傳令蹕蹤追擊僅擒斬落後賊百
數十名該逆縮入分水切卽夜悉遁回鎮平縣城矣計

巖前猪股坳連日戰事其實斃悍賊千數百名生擒百
餘名奪獲旗幟軍械七百餘件洋鎗綿鎗三百餘桿而
將士陣亡者百餘名受傷者約近二百名蓋亦血戰矣
緇維汪逆竄入粵境人數雖尙數萬之多加以零股及
靈營叛卒竄併合計亦不踰十萬所踞鎮平各處險瘠
異常勢難久踞汪逆敗竄之餘猜狠日甚閏五月十三
日殺侍逆之黨僞王宗李元茂等以徇雖以李世賢之
死罪僞王宗實則驅除異己者以示威耳自是賊中益
相猜貳廣東諸賊日向附侍逆者多不直之僞唐王譚

高等曾遣其黨赴康國器營輸款似其機頗有可乘惟是漳州雖緊連粵境疆域攸分嶺道迂險文報非經月不達彼中軍謀一切未能懸揣此賊既未能就廣東境內殲滅終必遂其竄越江西本謀現在高連陞黃少春駐營嚴前中亦劉清亮駐營武平下壩均距鎮平數十里而近聲勢尙爲聯絡臣宗棠又飭道員張恆祥帶所部湘勇由上杭移駐高梧署龍巖營遊擊賴長帶所部移駐永定互爲犄角而劉典一軍則能暫駐汀州濯田一帶相機應之臣等自當隨時籌度調遣以期兼顧至

力戰陣亡之副將湯復春驍勇素著上年截剿湖州竄賊案內擬保總兵此次血戰捐軀應請照總兵例

賜卹知府銜候選通判龍朝翼策馬衝鋒力戰殞命應請照同知例從優

賜卹擬保副將叅將銜花翎遊擊黃春田擬保藍翎都司王朝先擬保都司徐正魁擬保守備袁金榜應請均照擬保官階

賜卹藍翎千總何亨全應請照守備例

賜卹以慰忠魂所有各戰獲勝情形謹據實馳

奏伏乞

皇上聖鑒訓示施行謹

奏

同治四年六月二十六日

軍機大臣奉

旨另有旨欽此

附陳剿辦下游土匪情形片

再閩省興泉永漳等處民俗向稱犷悍久同化外上年
賊陷漳州各屬土匪竄起從賊抗官乘機剽劫時將小
戶良善鄉民遭其毒害實堪髮指臣等曾將辦理情形

附片奏明在案茲查永春州屬何山寨地方相傳宋末有宗支避地於此據險結寨後遂爲土豪逋逃竊踞之所官兵從無敢深入搜捕者近有州屬會匪劉光居謝險謝近結黨嘯聚當賊陷漳州時妄圖響應漳州克復後臣等委道員朱明亮督同署永春州知州周式濂帶勇馳往剿辦察看進兵之路一綫縈紆匪衆於峯回路轉之處又層列鎗礮憑險死拒朱明亮迭次逼寨猛攻壯士傷亡頗衆乃多剖大松樹爲礮對寨門緊轟復將寨前汲道斷絕匪黨慌竄出巢官軍乃乘勢殺入斃匪

三十餘名生擒匪首劉光居謝近及涂檜劉茫劉付王
華范堅劉樹陳橫涂嫩鄭益等十一名將匪巢一律平
毀又同安縣前次入城漏網餘匪除陳胥雅索正法外
餘匪逃匿縣轄龍溪鄉山頂地勢險狹亦與何山寨相
仿而寨外古木龍從層疊十餘里密處僅通一人尤難
著力臣等委記名總兵楊和貴帶所部新右營勇馳往
剿捕駐辦月餘始將匪巢攻破羈斃匪首楊聯洪甜生
擒要犯楊衛楊水楊沈楊玉楊首等五名署同安縣知
縣白冠王亦於時購線緝獲匪首邵敦一名現僅匪首

張僻在逃未獲又興化府屬向有烏白旗會匪烏旗匪
首張烏莽五九咸豐十一年間因與王姓爭田起衅縱
火焚燒各村并糾匪黨千餘戕官拒捕旋經官軍剿捕
而張烏莽五九漏網未獲茲據署興化府知府章倬標
會同署興化協副將常山設法將該犯弋獲始正刑誅
又龍溪縣屬南路各鄉當賊陷漳州或通賊接濟或引
賊搜掠或甘受傷職或潛作奸細經臣等督飭地方文
武迭次諭令各該鄉社將首犯緝獻一面督兵掩捕將
首犯柯扁陳蓋及馬降等先後斬梟其餘各鄉尙懷觀

望而崇福社一鄉向以攔路劫搶擄人勒贖爲事兇橫尤甚上年曾勾逆賊攻撲石碣迨事平之後猶復明目張膽擄人拷詐不休土人相戒不敢逗出其途有誤由該村經過者則擄歸拷掠勒詐其村後有一石洞遇勒贖不遂卽將其人致斃拋屍洞中滅跡臣等委署漳州鎮總兵羅大春前往查辦該匪等竟敢出社抗拒經羅大春督飭兵勇四面圍剿斃匪一百七十八名拔出被擄新民陳黃脚繫鐵鍊尙未脫也生擒十餘名立將村社平毀遠近稱快伏維閩省沿海一帶負山瀕海久爲

匪盜盤踞之鄉遇捕捉緊急則上山入險寨下海通番
邦無不倖免此次賊陷漳州乘機竊發在在皆然固亦
有恃而不恐也臣等已一面出示剴切曉諭并刊布諭
開六禁廣爲傳布以醒愚頑一面督飭地方文武逐漸
整頓固不敢舍彼有衆亦不忍急疾於頑求以副

朝廷仁育義正之懷慰斯民除暴安良之望而已所有
此次剿匪陣亡之花翎都司朱得福應請

旨飭部照例議卹理合附片具陳伏乞

聖鑒施行謹

奏 同治四年六月二十六日

軍機大臣奉

旨另有旨欽此

恭報蘇軍回滬日期並請應否派署提篆摺

奏為恭報蘇軍回滬日期並陸路提督篆務應否派員接署請

旨辦理仰祈

聖鑒事竊臣前准署兩江督臣李鴻章抄摺咨會飭前

派援閩之提督郭松林楊鼎勳兩軍由閩繞赴江西湖

南邊界相機迎堵臣當以閩境肅清漏網餘逆僅在海
洋一股竄入廣東而直東一帶時事方殷權其緩急輕
重蘇省援閩之軍仍應回蘇以備調遣至兩軍回蘇或
由海道赴滬或由江西入皖拜摺後卽自商郭松林楊
鼎勳自行酌度旋准郭松林楊鼎勳覆稱仍須由海道
回滬閏五月十四五日各率所部從詔安雲霄馳抵廈
門沿海勘廈局一面籌給行糧一面催備船隻因火輪
夾板等船一時未能催齊郭松林卽於二十三日先率
親兵由輪船回滬楊鼎勳於初二日續行至六月二十

三日各船已一律起旋除抵蘇日期另由署兩江督臣
奏報外理合恭摺馳陳再郭松林現署福建陸路提督
此次回蘇提督篆務應否派員署理抑即交本標中軍
將代拆代行并係

旨施行伏乞

皇上聖鑒謹

奏同治四年六月 日

軍機大臣奉

旨另有旨欽此

軍機大臣 字寄廣州將軍兼署兩廣總督瑞麟閩浙
總督一等恪靖伯左宗棠福建巡撫徐宗幹署廣東巡
撫郭嵩燾傳諭護理江西巡撫布政使孫長綬同治四
年七月二十二日奉

上諭左宗棠等奏官軍越境剿賊獲勝賊匪圖由閩竄
江並與泉永漳等處剽匪情形各摺片汪逆盤踞鎮平
復分撲嘉應州經康國器督軍援剿將白渡新鋪墟一
帶賊壘賊卡平毀該逆復以江西粵東邊界防兵甚多
圖由閩邊分竄江西遂分兩大股出撲巖前猪股坳官

軍營壘連日經高連陞等軍奮勇血戰計斃悍賊千數
百名該逆仍退回鎮平盤踞所奏情形較廣東前奏更
爲詳盡鎮平地方險瘠該逆勢難久踞終必遂其竄越
江西之謀康國器一軍由嘉應州一路進剿本嫌單薄
此時賊旣擬由武平竄江高連陞黃少春駐紮巖前中
赤之師劉清亮駐紮武平下壩之師均距鎮平僅數十
里正可迎頭進擊就地殲剿以杜其入閩之計且汪逆
猜狠日甚驅除愚~~民~~賊目多不附之其勢自將內訌正
可乘機就其遺黨輸誠者使之內應尤易得手著左宗

崇卽飭高連陞等得勝之師移營進逼鎮平與康國器一軍及粵省官軍夾擊毋失事機其武平上杭各路應防處所仍著該督厚集兵力節節布置毋令旁逸並著瑞麟郭嵩燾令李福泰督方耀等軍併力進攻以成合圍之勢其江西之會昌長甯等處孫長綬已飭席寶田等扼要嚴防著仍遵前旨飭令前赴粵境與閩粵官軍三面圍逼以期一鼓殲除毋稍觀望福建興泉永漳等處民俗獷悍動輒乘機譁起經左宗棠督飭地方各員將永春同安興化龍溪各屬匪徒剿洗平毀巢穴辦理

甚屬認真仍著左宗棠徐宗幹飭令地方文武盡力搜捕無留餘孽其嚴前豬股坳等處剿賊力戰陣亡之副將湯復春著交部照總兵例議卹知府銜候選通判龍朝翼著照同知例從優議卹擬保副將叅將銜遊擊黃春田擬保都司王朝先徐正魁擬保守備袁金榜均著照擬保官階議卹千總何亨全著照守備例議卹興泉等處剿匪陣亡之都司朱得福著交部照例議卹以慰忠魂另摺奏郭松林等軍由海道回滬已據李鴻章奏報矣郭松林所署福建陸路提督卽著左宗棠揀員奏

明派署以重職守又福建藩司張銓慶本日已降旨革職並將王德榜簡放福建布政使鄧廷枏已簡放按察使矣該二員能否勝任著左宗棠隨時察看據實具奏將此由六百里諭知瑞麟左宗棠徐宗幹郭嵩燾並傳諭孫長綏知之欽此

請將老湘營官熊泰將革職拏問片

再駐守永定獵射凹新洲老湘各營於四月二十二日被賊攻陷臣等曾將該軍統領記名總兵王開琳奏參革職留營効力在案茲據王開琳稟稱老湘右營營官

熊常富於四月廿二日賊陷老中老後兩營時值營中
子藥礮石俱盡熊常富督守前營門詎賊從後營門翻
入熊常富手及數賊力竭被執屢次求死不得至五月
十三日賊竄鎮平擄糧始乘間脫出奔赴汀州稟請叅
辦前來臣查熊常富平日打仗尙稱奮勇此次獵射四
各營失挫不能設法堵禦所部勇丁死亡過半實屬咎
無可辭相應請

旨將叅將熊常富革職拏問以肅軍律其陣亡將弁容
卽查明彙案請

卹理合附片具

奏伏乞

聖鑒謹

奏 同治四年六月二十六日

軍機大臣奉

旨熊常富著革職拏問餘依議欽此

茲將克復遂安援剿江山肅清衢郡各員照原請給獎摺

奏爲克復遂安援剿江山肅清衢郡在事出力各員懇
恩仍照原請給獎恭摺奏祈

聖鑒事竊照克復遂安援剿江山肅清衢郡在事各員
經臣於同治元年八月間開單奏獎欽奉

諭旨允准在案旋於上年五月接准部咨以各員勞績
未據分晰聲敘應俟查明再行核辦臣比卽註明咨覆
嗣因克復遂安嚴州金華及援皖援江各案暫未填註
考語事隔兩年各營有已經遣散者各員中亦有續經

保陞及病故者經臣於上年十月奏明可否將以上各案免其加考俱照原請給獎十月十五日欽奉

上諭各營已經遣散及續經保陞及病故各員均著免其加考仍照原請給獎該部知道欽此茲又於同治四年閏五月二十三日接准部咨以所保免補免選越級請陞及加候補班次各員無攻克城池斬擒要逆字樣概行議駁於同治四年正月十四日具奏奉

旨依議欽此伏查杭城白咸豐十一年十一月失陷後浙江全省概付淪胥僅存衢州一城勢亦岌岌臣提楚

軍八千餘人奉

命入浙由開化馬金轉戰而前力攻遂安克之分軍扼
守斷賊右臂塞皖南江西之衝嚴後路之防而後進解
衢州重圍敗巨逆李世賓於江山肅清衢州遮其犯閩
之路乃得進攻龍游以規復浙東諸郡是役於兩浙全
局傾覆之餘卷甲悉遄以取破竹之勢俾皖南江西十
閩亦相庇以安於東南夫心不無小補其時孤軍深入
勢極艱危而餉事則尤朝不謀夕幸諸文武誓死相隨
共措危局或荷戈而戰或偕箸而籌或奔馳効命於賊

氛四逼之中或綢繆轉側於干戈滿眼之際備嘗艱險
乃獲一階半秩以相酬現在服官閩浙兩省者有之相
隨征戰者有之積勞致疾中道而殞者有之政績優異
盡瘁而歿者有之當時軍府初開人才競奮其績膺獎
敘陞階及擬保陞階尙未出奏者尤不乏人茲部臣擬
以爲尋常勞績將臣軍初次保案核減而且同治元年
保案遲至四年始行奏駁又在上年十一月十五日欽
奉

諭旨准照原請給獎之後其續預獎敘者既未可因前

案被駁而并奪其後此之陞階其已委署地方著有政績者又未可以身後保案注銷而追褫其生前之官職事涉紛歧何從遵守謹將原請各員清單錄呈

御覽伏懇

飭部概照原保給獎以昭公允抑臣更有請者吏部章程除攻克城池斬擒要逆其餘不准保奏免補免選越級請陞及各項籌餉局務人員祇准保奏議敘在部臣雖爲綜覈名實起見然有時攻克城池而未斬擒要逆有時斬擒要逆而未攻克城池其勞績實有未可概論

者卽如上年攻克湖州之先 臣預奏嚴飭各營以追賊
爲要不准以克城爲功迨堵逆黃文金伏誅全股二十
餘萬就皖浙江西邊界掃除 臣始奏請一律獎敘蓋非
以前之苦戰不能迭克堅城亦非以後之追剿不能盡
殲醜類若以新定章程必須攻克城池斬擒要逆兩者
如格始准保奏免補免選言之則湖州大保一案幾無
合例人員何以昭激勸之公而收延攬之效若以攻克
城池擒斬要逆兩者有一於此卽准保奏免補免選言
之則此案開化馬金三捷克復遂安縣城及衢州江山

獲勝解圍實已與克復城池新定章程相合部臣何以
復有追駁之議竊維軍旅之事論功行賞最難核實有
無功而冒濫者有有功而掩抑者歷代官私紀載之書
皆有同慨而當時并未開執一切之法以相繩蓋亦謂
事變無常情形互異有時親履行陣者尙未能盡悉其
功伐之等次勞烈之淺深勢難居堂奧而權衡閭閻之
外也至督撫如有徇情濫保之事則臺省得而糾之部
臣得而糾之得實論之如律可矣不必更將所保之人
概與駁斥又籌餉轉運出力各員固爲尋常勞績然觀

近日軍營有因欠餉過多或轉運不速致兵勇怨噪甚
或叛潰者貽誤大局實非淺鮮則此項尋常勞績中亦
似應有區別若僅槩准保奏議敘所得不過加綴紀錄
實欠平允應請

飭下部臣從長酌議以策後効而蒞全功合併據實陳
明伏乞

皇上聖鑒訓示施行謹

奏
同治四年六月二十六日

軍機大臣奉

旨呂有旨欽此

同治四年七月二十二日內閣奉

上諭前因左宗棠奏保克復遂安援剿江山肅清衢郡出力各員請予獎勵無庸據該督奏稱以事隔兩年請免加考迭經降旨照請獎勵並免其加考嗣據吏部以所保各員無攻克城池擒斬要逆字樣奏駁茲復據左宗棠奏稱咸豐十一年間浙江淪陷僅存衢州一城勢甚岌岌該督提軍入浙轉戰而前在事各員艱險備嘗共搆危局於東南時局不無小補將原保各員開單呈

覽懇請仍照原請給獎等語此案浙軍由開化馬金
進攻遂安攻克縣城迭次解圍獲勝核其勞績尙與克
復城池准保新章相合所有此次出力之主事夏獻綸
等並著仍准照該督單開原保各官階給獎惟此案係
同治元年奏保吏部何以至同治四年始行奏駁實屬
遲延嗣後該部於此等事件務須明定章程立限辦理
不得任意積壓該督所稱吏部章程除攻克城池斬
擒要逆其餘不准優保及籌餉轉運出力人員祇准保
奏議敘兩條均欠平允一節著該部卽行妥議具奏單

併發欽此

特奏年力就衰之司道摺

奏爲特奏年力就衰難期振作之司道請

旨革職並懇

迅簡賢能以重職守事竊福建吏治因循不舉餉事匱乏日甚臣已於入閩後畧陳梗槩曾奉

諭旨閩省官吏因循積習難挽該督撫不妨隨時甄別叅劾以期日有起色欽此臣維閩境雖頻年用兵然較東南各省猶多完善之區如果經理得人則以本地官紳辦本地之事以本地財力濟本地之用雖時艱同值

拮据堪虞亦何至事竣驟乘卽形束手乃臣自入閩以來積兵餉則積欠至二百五十餘萬兩之多聞現餉則僅止借外國洋商三十六萬兩之債所恃爲通融之計者惟勸借一事先期發滙票委員向各紳富借貸現銀以票給之准抵錢糧釐稅預挪以應目前之急通計所得亦不過數萬兩而止此外則別無籌策也藩司張銓慶來延稟見時臣察其識見庸淺且年已六十有五語多健忘慮其不能勝任卽飭委奏調來閩之周開錫與大廷兩員會辦通省釐稅局務以佐之並許加訓勉冀

其在閩日久熟悉地方情形得以相助爲理也維時該
藩司亦力言銓慶由閩省任雜徵員不數年蒙

恩擢至藩司苟有天良敢不盡心稍圖報効臣亦以爲
誠不料臣出省後張銓慶於釐稅各務盡諉之周開錫
吳大廷意存膜視於軍餉緩急從不過問卽錢糧爲藩
司衙門專責亦並不設法催徵截至六月止據報本年
上忙僅徵銀三萬四千八百餘兩較上屆更短解四分
之三此猶謂才力不足也臣赴閩時道過建甯府有附
府之甌甯縣民人葉裕翰控其姪葉尾婢被團總誣爲

土匪於咸豐八年六月賊退之後至十二月送營頭司
巡檢正月三十日斬決一案臣以此案獲犯遲而斬決
速竊疑其寃飭建甯府齎送案卷覆覈比閱其卷葉尾
婢之死係代理營頭司巡檢陶綬海稟請縣示署甌甯
縣知縣趙人同未經訊供卽批飭正法比建甯府張文
斌批令提供則已斬決矣無論葉尾婢之死寃濫與否
應訊取確供以昭慎重卽葉尾婢罪應就地正法亦非
巡檢所得而擬知縣所得而批况斬決在賊退半年之
後並非迫不及待之時乎當札飭建甯府知府張桐

親提兩造訊取確供詳請具奏並札臬司衙門知照其
時該藩司兼理臬司事正飭建甯府以情與罪當速
詳銷臣復批飭事關枉殺良民不應潦草完結仍飭張
桐熙秉公研訊其時趙人同正署延平府知府臣比加
詰責趙人同無可置辯當飭司檄委現在此案尙未訖
結頃據該藩司詳稱建甯府知府張桐熙申報丁憂員
缺查有候補知府趙人同堪以暫行代理已由司給委
殊爲詫異葉尾卿既係趙人同甌甯縣任內批巡檢正
法之事案既未結趙人同係應候傳質之員豈可委其

代理建甯府篆以爲彌縫前任命案地步該藩司於臣
查辦此案之始則逕飭建甯府詳銷希圖草率完案於
趙人同撤委之後復委其代理建甯府篆謂非任意卽
係健忘此尤不能爲該藩司解者也該藩司於閏五月
十五日上稟言積勞成疾日漸加增懇請開缺回籍醫
治而封面用八百里排遞臣以其不知緩急未卽批示
旋於六月十二日復稟患病仍未就愈勉於十四日起
病其意在揣摩巧爲嘗試可知應據實參奏請旨將福
建藩司張銓慶革職仍留福建俟經手各事逐一清釐

再准回籍督糧道周揆源年已七十有餘衰庸充位於
時事漫不經心惟南米一事則斷斷不已蓋以衙門陋
規所在也近因擅挪前興泉永道任內釐項劃抵南米
與藩司張銓慶互相辯駁尤爲可鄙經臣批飭明白稟
覆尙未據覆至該道之早應劾罷則撫臣亦曾商及之
應請

旨將福建督糧道周揆源革職以肅官常藩司一缺糧
道一缺政務殷繁現當經理需才之時伏懇

皇上迅簡賢能之員赴閩履任以資整頓俾臣得收指

臂之助實深感荷之至謹據實陳明伏乞

皇上聖鑒訓示施行謹

奏

同治四年六月二十六日

軍機大臣奉

旨另有旨欽此

同治四年七月二十二日內閣奉

上諭左宗棠奏特恭年力就衰之司道請旨革職一摺
福建布政使張銓慶年邁健忘左宗棠派令周開錫吳
大廷會辦通省釐稅局務該藩司於公務一意推諉於

軍餉緩急從不過問錢糧爲藩司衙門專責他不設法
催徵較上屆更短解四分之三圍總誣甌甯縣民葉尾
婢爲土匪前署甌甯縣知縣趙人同未經訊供卽批飭
正法趙人同於署延平府知府任內經左宗棠撤任查
辦案尙未結而張銓慶復委該員代理建甯府事該藩
司於閏五月因病稟請開缺用八百里排遞左宗棠以
其不知緩急未卽批示旋於六月具稟起病實屬昏憤
糊塗意存惡校督糧道周揆源年已七十有餘衰庸冗
雜於時事漫不經心擅挪前任興泉永道任內釐項數

抵南米與張銓慶互相辯駁尤屬卑鄙張銓慶周振源
均著卽行革職以肅官常張銓慶尙有經手未完事件
著左宗棠飭令趕緊清釐再行回籍欽此

同治四年七月二十二日內閣奉

上諭王德榜著補授福建布政使福建按察使著鄧廷
枬補授欽此